

Umhverfis- og auðlindaráðuneytið
Skuggasundi 1
150 Reykjavík

Reykjavík 9. október 2018
UST201810-018/E.B.S.
04.03

Efni: Umsögn Umhverfisstofnunar um drög að breytingu á reglugerð um meðferð umbúða og umbúðaúrgangs.

Vísað er til draga að (4.) breytingu á reglugerð nr. 609/1996, um meðferð umbúða og umbúðaúrgangs sem auglýst var á vef Umhverfis- og auðlindaráðuneytisins 1. október 2018.

Umhverfisstofnun gerir eftirfarandi athugasemdir við drögin:

Stofnunin telur það einfaldara og komi skýrar fram að auðkenningarkerfið er valkvætt að texti 2. mgr. 1. gr. draganna um kerfið verði í viðauka II í reglugerðinni en ekki í 2. mgr. 5. gr. reglugerðarinnar.

Umhverfisstofnun leggur til að

5. gr. reglugerðarinnar orðist svo:

Til að greiða fyrir söfnun, endurnotkun og endurnýtingu umbúða og umbúðaúrgangs, þar með talið endurvinnslu, er heimilt að tilgreina úr hverju umbúðaefnið/efnin eru gerð til að hægt sé að greina þau og flokka. Skulu merkingar þá vera í samræmi við auðkenningarkerfi í viðauka II. Ekki er heimilt að nota önnur auðkenningarkerfi

Viðauki II um auðkenningarkerfi orðist svo:

Ef notað er auðkenningarkerfi umbúða, sbr. viðauki II, skal auðkenna plast með tölunum 1-19, 20-39 fyrir pappír og pappa, 40-49 fyrir málma, 50-59 fyrir við, 60-69 fyrir textílefni, 70-79 fyrir gler og 80-99 fyrir samsett efni. Í auðkenningarkerfinu má einnig nota viðurkenndar skammstafanir fyrir viðeigandi efni innan hvers flokks fyrir sig og aðeins skal nota hástafi í þeim tilvikum. Umbúðirnar skulu merktar á viðeigandi hátt, annaðhvort á umbúðirnar sjálfar eða á merkimiða sem á þær er festar. Merkingarnar skulu vera augskýrlegar og auðlæsilegar. Merkingarnar á umbúðunum skulu vera endingargóðar og greinilegar eftir að umbúðirnar eru opnaðar.

[...].

Virðingarfyllst,



Eva B Sólán Hannesdóttir
lögfræðingur



Elya Rakel Jónsdóttir
sviðsstjóri